

學詩毛鄭異同籤

學詩毛鄭異同錢卷十八

武

監

學

生

張

汝

霖

維嶽降神生甫及申傳堯之時姜氏爲四伯掌四嶽  
之祀述諸侯之職于周則有甫有申有許有齊也嶽  
降神靈和氣以生申甫之大功維申及甫箋云申申  
伯也甫上侯也正義釋箋曰尚書作召刑此作甫侯  
者孔安國云呂侯後爲甫侯詩及禮記作甫尚書與  
外傳作呂蓋因燔詩書字遂改易後人各從其學不

敢定之故也此箋定以甫爲甫侯而孔子閒居引此詩注以甫爲仲山甫者按外傳稱樊仲山甫則是樊國之君不得爲與申伯同爲嶽神所生注禮之時未詳詩意故耳

按史記正義齊世引括地志云故呂城在鄧州南

陽縣四徐廣云呂在宛縣水經注亦謂宛西呂城

縣四嶽受封浦水然則申呂漢之宛縣也一統志

云宛古地名本周時申伯之國春秋時屬晉案左傳楚

子重諸申呂以爲貴田然則申河南南陽府南陽  
常屬楚非屬晉也一統志似誤申河南南陽府南陽  
縣北有古申城西有呂城鄭氏于詩知甫爲甫侯  
而于禮記注以爲仲山甫蓋其時未得毛詩遂至  
謬誤若此然則毛公之沾溉鄭氏者豈淺哉鄭氏  
好與毛異良爲自失所宗矣又按漢書杜欽傳云  
仲山父異姓之臣就封于齊注云韓詩今考通志  
氏族略云周太王之子虞仲支孫仲山甫爲周宣  
王卿士食采于樊其非周之異姓之臣明矣鄭氏

注禮以山甫爲甫侯蓋本韓詩之誤卽此見三家  
與毛詩之優劣矣

王命中伯式是南邦因是謝人以作爾庸傳庸城也  
箋云庸功也召公旣定申伯之居王乃親命之使爲  
法度于南邦今因是故謝邑之人而爲國以起女之  
功勞言尤章顯也正義釋傳曰傳以下云有俶其城  
故以庸爲城正義釋箋曰庸勞釋詁文以王命申伯  
當意在顯其功勞不宜直言爲其作城而已故易傳

也

按王制注云小城曰附庸彼正義曰云小城曰附庸者庸城也謂小國之城不能自通以其國事附于大國故曰附庸此不能五十里故爲小國之城若詩崇墉言言及易公用射隼于高墉之上是大國之城亦名庸也此詩言因是謝人以作爾庸下卽云有倬其城庸之爲城其義明矣即以庸爲功作爲起以起爾功于語末協若謂王命申伯意在

顯其功勞不宜直言爲其作城而已封之以土爲之作城何以非顯其功勞乎且王命申伯式是南邦固已意在顯其功勞矣何乃謂此句不宜直言爲其作城耶

往近王舅傳近已也箋云近辭也聲如彼記之于之記正義曰以命往之國不得復興之相近故轉爲已以爲辭也近得爲已其聲相近故箋申之云如彼記之記也

按九經考異詩往近王弼楊慎作近一作近匕字  
不經見近字見于說文近當是近字形似之誤說  
文丌部近古之道人其木鐸記詩言从彳从丌匕  
亦聲讀與記同徐鍇曰道人行而求之故从彳丌  
薦而進之于上也丌卽古文其故詩彼其之子禮  
記作彼記之子左傳作彼已之子丌記已古音相  
同正義謂命往之國不復得與之相近故轉爲已  
曲爲近字作解則孔氏之本已誤爲近可知



其風肆好以贈申伯傳肆長也贈增也箋云風切申伯又使之長行善道以此贈申伯者送之令以爲樂釋文云贈詩之本皆爾鄭王申手並同崔集注本作贈增也崔云增益申伯之美正義釋經曰其風切申伯又使之長行善道故作此詩增長申伯之美言使申伯歌誦此詩見人言已之美更爲自彊不息以增德行也鄭唯贈送一字別正義釋傳曰凡贈遺者所以增長前人贈之財使富增于本贈之言使行增于

義故云贈增也正義釋箋曰言風切申伯使之長行  
善道者言其善事使之自彊也其詩之意其美大者  
述其善事令更增長是美大也

按渭陽何以贈之傳贈送也鵲鳴雜佩以贈之箋  
云贈增也詩之贈字甚多毛鄭之訓皆相合說文  
云贈以財物送人也亦與毛鄭合凡經典所有之  
贈字皆取贈送之義正或謂凡贈遺者所以增長  
前人贈之財使富增于本贈之言使行增于義故

云贈增也然則舉凡餽遺錫予賚送等字皆可訓  
爲增矣此孔氏承崔本之誤而曲爲毛說也釋文  
云贈詩之本皆爾鄭王申毛並同此以見贈字毛  
並無傳而義見于他篇鄭氏仍本毛傳而補爲此  
說義從同也釋文云崔本作贈增崔云增益申伯  
之美此以見惟崔本獨如此而不可信也孔氏謂  
鄭與毛別失鄭旨矣箋云風切申伯使之長行善  
道者解經之其風肆好也毛訓肆爲長鄭亦以爲

長同也箋又云以贈申伯者送之令以爲樂送之  
解以贈令以爲樂者申所以贈之之意于經文無  
所屬也正義謂毛訓贈爲增長鄭爲贈送相異而  
釋箋曰言風切申伯使之長行善道者言其善事  
使之自彊也其詩之實甚美大者述其金事令更  
增長是美大也鄭無增長之訓釋箋之說未知義  
所從生合增長之義于贈送之中郢書燕說亦又  
何哉

奕匕梁山雜禹甸之傳奕匕大也甸治也禹治梁山  
除水災箋云梁山之野堯時俱遭洪水禹甸之者決  
除其災使平成田定貢賦于天子

按禹貢壺口治梁及岐孔安國傳云壺口在冀州  
梁岐在雍州彼正義曰孔君去漢初七八十年耳  
身爲武帝博士必當見其圖籍其山川所非必是  
驗實而知漢書地理志云梁山在馮翊夏陽縣西  
北鄭氏此詩輿地理志合不知詩之梁山自在涿

郡方城縣蘇王與禹貢之梁山不同語詳溥彼韓

城鐵下

韓侯入覲以其介圭入覲于王傳覲見也箋云諸侯  
秋見天子曰覲于宣王而奉享禮貢國所出之寶  
善其意宣王以常職來也書曰黑水西河其貢璆  
琅玕正義釋傳曰毛于崧高以介圭爲所執之瑞則  
此言介圭亦爲瑞也以其介圭入覲于王謂正行覲  
禮則上句言韓侯入覲其在路之時言其將欲入覲

非正覲時也執圭入覲禮之常也而詩人言此者美韓侯之德能稱此命圭至京師而卽得見王正義釋箋曰箋以經再云入覲故分之爲二韓侯入覲爲行覲禮入覲于王爲行享禮行享而云介圭則圭是爲享之物大行人陳諸侯見王之禮云廟中將幣三享注云享皆束帛加璧庭實爲國所有朝士儀曰奉國地所出重物明臣職也是朝覲之禮卽以朝儀見又以享禮見王故再言入覲也言三享者初享以馬若

皮其餘以國地所有之物分之爲三以備三享享者  
獻也貢獻已國所有之寶是諸侯事天子之常禮故  
又云善其尊宜王以常職來朝解其脩言禮享之意  
也引書曰者禹貢文彼注云球美玉也珎美石也琅  
玕珠也引此者以西河之地法當貢玉韞在西河之  
西故以介圭入覲介圭當是奇異之大玉可以爲圭  
璧也以所寶善圭故以圭爲衆寶之稱不必獨獻一  
圭也



按爾雅云珪大尺二寸謂之玠說文云玠大珪也  
周書曰稱奉玠圭書康王之誥有稱奉圭之語無  
玠字許氏所引當是顧命而誤其文耳顧命云大  
保承介圭先孔傳大圭尺二寸天子守之正義曰  
考工記玉人云鎮圭尺有二寸天子守之鎮圭七  
之大者介訓大也故知是彼鎮圭天子之所守禮  
又有大圭長三尺知介圭非彼三尺圭者典瑞云  
摯大圭執鎮圭以朝日玉人云大圭長三尺天子

服之彼搢于紳帶是天子之笏非天子所守故知  
非彼三尺之大圭也崧高錫爾介圭以作爾寶傳  
寶瑞也箋云圭長尺二寸謂之玠非諸侯之圭故  
以爲寶諸侯之瑞圭自九寸而下詳此諸家之說  
毛公以介圭爲侯伯命圭許氏先孔以介圭爲天  
子大圭鄭注爾雅引詩曰錫爾介圭則亦以爲命  
圭說文所引若是大保承介圭之語則指天子之  
圭若是賓稱奉圭之語則亦指諸侯之圭說雖不

一亦不過以介之義爲大無論天子之鎮圭諸侯  
之信圭伯之躬圭皆可尊而大之爲介圭獨鄭氏  
以爲諸侯之瑞圭自九寸而下與爾雅之言尺二  
寸者不合明瑞圭不得爲介圭遂解錫爾介圭以  
作爾寶爲美玉玩好之寶如鄭此說圭長尺二寸  
謂之介尺寸與鎮圭合而不必以爲鎮圭然則尺  
寸雖不與瑞圭合而不妨以爲瑞圭矣又如鄭說  
璆琳琅玕尙得謂之介圭信圭躬圭何不可爲介

圭耶至其分入覲爲覲禮享禮乃緣誤訓介圭而  
多爲之說耳介圭之義明而入覲之解得矣

汾王之甥傳汾大也箋云汾王厲王也厲王流于彘  
在汾水之上故時人因以號之猶言莒郊公黎比公  
也正義釋傳曰釋註又墳大也傳以汾墳音同故亦  
爲大也王肅云大王上之尊稱也正義釋箋曰箋以  
汾作汾水之汾不得訓之爲大且作者當舉其實不  
宜漫言大土故以爲厲王在汾因號厲王爲汾王也

在傳稱王流于彘于漢則河東永安縣也永安西臨汾水故云在汾水之上以其人在汾地時人因以號之猶言莒郊公黎比公亦以所居之地而號之也左傳于昭公之世有莒郊公襄公之世有黎比公經先言郊公者以其文單令與莒相配使黎比蒙莒文也莒在東夷不爲君謚每世皆以地稱公此外猶有茲丕公著邲公之等以二者足以明義不復徧引之也王肅雖申毛傳以汾王爲大王其意亦爲厲王之甥

此無其文正以經稱汾王是指他王也若是宣王之  
甥當如上篇言王之元舅不宜別言王號故知非宣  
王之甥宜王之前惟厲王耳故箋傳之意皆以爲厲  
王

按下文韓侯顧之傳顧之曲顧道義也正義曰本  
或曲爲回者誤也定本集注皆爲曲字此蓋因曲  
回二字形似而義得而通故致相誤然則毛傳已  
不能保其完好矣此詩云汾王之甥傳云汾大也

正義謂爾雅云墳大傳以墳汾音同故亦爲大王  
肅述毛亦以爲大竊疑王孔之本脫誤致然耳毛  
公素不被字必不以汾字就墳大之訓且如王孔  
之說汾王不訓汾水之王惟與鄭異然其指厲王  
則固與鄭同也此必傳本云汾水也水字與大形  
近而誤彼汾沮洳也鄭氏汾水之說亦遵毛義而然  
其後譌而爲大至王肅述毛時見毛鄭本多相異  
遂不復實疑而別爲毛說孔氏因之而後人不得

安議之矣恐毛傳之舊固不若是也

溝彼韓城燕師所完傳師衆也箋云泔大也燕安也大矣彼韓國之城乃古平安時衆民之所築完

校釋文云燕於見反注同徐云鄭於顯反王肅孫  
毓並爲質反云北燕國孫王皆述毛者然則毛固  
不必與鄭同也顧監人曰水經注聖水徑方城縣  
故城北又東南徑韓城東詩溝彼韓城燕師所完  
王錫韓侯其追其貊奄受北國王肅曰今涿郡方



城縣有韓侯城世謂寒號非也按魏書地形志范陽郡方城縣有韓侯城史記燕世家易水東分爲梁門今順天府固安縣有方城村卽漢之方城縣也水經注亦云濕水徑良鄉縣之北界歷梁山南高粱水出焉是所謂奕匕梁山者矣舊說以韓國在同州韓城縣曹氏曰武王初封于韓其時召襄公封于北燕實爲司空王命以燕衆城之竊疑同州去燕二千餘里卽令召公爲司空掌邦土量地

遠近興事任力亦當發民于近甸而已豈有役二  
千里外之人而爲築城者哉召伯營申亦曰因是  
謝人齊桓城邢不過宋曹二國而名諸庶殷攻位  
蔡氏以爲此遷洛之民無役紂都之理此皆經中  
確証況其追其貊乃東北之夷而蹶父之靡國不  
到亦似謂韓土在北陲之遠也又考王符潛夫論  
曰昔周宣王時有韓侯其國近燕故詩云溥彼韓  
城燕師所完其後韓西亦姓韓爲衛滿所伐遷居

海中漢時去古未遠當有傳授今以水經注爲定  
顧氏又曰毛傳梁山韓城皆不言其地鄭氏箋乃  
云梁山韓左馮翊夏陽西韓北姬姓之國也後爲  
晉所滅故大夫韓氏以爲邑名焉左傳富辰言那  
晉左傳富辰言那  
也竹書紀年平王十四年晉人滅韓案左傳僖  
公十五年晉侯及秦伯戰于韓上言涉河下言及  
韓又曰冠深矣是韓在河東亦非今之韓城也故  
杜氏解但云韓晉地文公十年晉人伐秦服少  
梁始得今韓城之地也至傳彼韓城燕師所完則鄭  
益明戰于韓非此也

固自知其說之不通故訓燕爲安而曰大矣彼韓

國之城乃古平安時衆民之所築完惟王肅以梁山爲涿郡方城縣之山而以燕爲燕國今于梁山則用鄭說于燕則用王說二者不可兼通而又巧立召公爲司空之說可謂甚難而實非矣又其追其貉鄭以經傳說貉多是東夷故職方掌四夷九貉鄭志答趙商云九貉卽九夷也又秋官貉隸注云征東北夷所獲而澤州所謂濊貉者皆在東北

史記貨殖傳燕東綽穢貉朝鮮真番之利書武帝紀注服虔曰濊貉在辰韓之北高句麗沃沮之

南東漸因于箋末添二語云其後追也殆也爲儼  
于大漸因于箋末添二語云其後追也殆也爲儼  
殆所逼稍上東遷此又可見康成之不自安而遷  
就其說矣蘇桉而韓地皆有梁山從鄭卽不得從  
王從王卽不得從鄭欲燕師追貊等語處處通達  
則孫王之說爲較密耳

學詩毛鄭異同籤卷十九

武 監 學 生 張 汝霖

王命召虎來旬來宣傳旬徧也箋云來勤也旬當作  
管宜徧也王命召虎女勤勞于經營四方勤勞于徧  
疆理衆國正義釋傳曰旬徧釋言文旬作徇音義同  
毛旣以旬爲徧則宣不復爲徧當謂宣布王命也正  
義釋箋曰來勤釋詁文宣徧釋言文上章云經營四  
方告成于王又言于疆于理至于南海則虎功在此

二事而已。今王命召虎稱其功勞，則來旬來宣當指此二事。且宣訓爲徧旬，不宜亦訓爲徧旬之與營字相類。故知當爲營來旬。謂勤勞于經營四方來宣，謂勤勞于徧理衆國以統上二文也。

按旬爲周徧，宣爲宣布，勤于周徧而宣布之，故曰來旬來宣。來旬之義，須以來宣足成之。如之篇爰始爰謀箋云：于是始與函之從已者，謀曰止曰時。箋云：卜從則曰可止，居于是之等一句之中，伸

引成文甚多先言來旬而後以來宣足之若旬當  
作營宣訓爲徧先言勤于經營後言勤于徧勤營  
勤徧于語不完且召公經營四方告成于王于疆  
于理至于南海一旬徧宣布之語足以駭之以宣  
爲徧而改旬爲營未見其或勝于毛也又鄭所云  
旬當爲營者乃取旬營古音相近非謂其字相類  
也正義恐誤

矢其文德傳矢弛也正義釋傳曰矢施也謂施陳文



德定本爲弛字非也

按說文施旗兒一曰設也弛弓解也故施之字爲  
陟設敷布之義弛之字爲廢解之義二者雖不相  
同然古書多互通此詩矢字傳矢施也當爲施陳  
之義釋文云矢施如字爾雅作弛按爾雅釋詁云  
矢弛也弛蓋施之假借字亦當爲施陳之義而郭  
注云矢放失之矣此傳施字正義謂定本作弛非  
此又孔氏之誤也禮記孔子閒居引詩曰弛其文

德注弛施也周禮小司徒凡征役之施舍注施當  
爲弛遂人辨其老幼廢疾與其施舍者注施讀爲  
弛遂師施其施舍注施讀爲弛論語君子不施其  
親釋文作不弛隸習載漢石經論語亦云君子不  
施其親李翱筆削云施當爲弛然則施之與弛古  
本相通不爲定本之失也

赫赫明明王命卿士南仲大祖大師皇父傳赫々然  
盛也明明然察也王命南仲于大祖皇父爲大師箋

云南仲文王時武臣也顯著乎昭察乎宣王之命卿士爲大將也乃用其以南仲爲大祖者今大師皇父是也正義釋傳曰言王命南仲于太祖謂于大祖之廟命南仲也皇父爲大師謂命此皇父爲大師毛蓋見其文煩故以爲二人南仲卿士文在大祖之上是先爲卿士今命以爲大將大師皇父文在大祖之下則于大祖之廟始命以爲大師其實皆在大祖之廟並命之故大祖之文處其中也南仲爲卿士未知于

六官何卿也。皇父新爲大師，未知于舊何官也。正以二文不同，知皇父新命之耳。正義釋箋曰：箋以王命卿士以爲大將，止當命一人爲元帥，不應並命二人，故以爲止命皇父而已。以出車之篇言之，知南仲文王時武臣是今所命者。皇父之大祖，故本言之。命皇父爲將，必違本其祖者，因其有積世之功，尤欲使之彰顯故也。必易傳者，孫毓云：宣王之大將，復字南仲，傳無聞焉。且古之命將，皆于禘廟，未有于后稷大祖。

之廟者又經言南仲大祖明以南仲爲大祖非命于  
大祖之文也昔陳勝舉兵稱項燕命將本祖古今有  
之義義爲長陳勝舉兵者史記漢書皆有其事十月  
之交皇父擅恣若爲厲王則在此之先若爲幽王則  
在此之後皆相接連與此皇父得爲一人或皇氏父  
字傳世稱之亦未可知也

按小雅皇父毛以爲幽王時人鄭以爲厲王時人  
此詩之皇父則宣王時人正義謂先後皆相接連

與此皇父得爲一人此大謬也小雅之皇父不必  
論幽王厲王要之爲專權無狀之小人與宣王時  
整我六師以修我戎旣敬旣戒惠此南國之皇父  
迥乎不類而指爲一人可乎此蓋因鄭箋以皇父  
爲字則前後宜爲一人孔氏亦私疑其非故又云  
或皇氏父字傳世稱之亦未可知是以皇爲氏矣  
以皇爲氏卽不得以南仲爲大祖前後轆轤故其  
辭疑而不敢斷謹按左傳疏宋戴公之子曰皇父

其子孫以皇爲氏又曰皇父秦改爲皇甫戴公當  
宣之二十八年而立宣王之伐淮徐在初年此詩  
皇父必非戴公之子皇父出戴公之子之後則此  
皇父亦必非氏或與戴公之子同名皇甫若十月  
之交詩在幽王時彼所云皇父當卽出戴公之子  
之後若並以爲字而不以爲氏則宣幽之世爲有  
三皇父矣而何得謂可爲一人耶

既敬既戒箋云敬之言警也警戒六軍之衆正義曰

箋以戒爲戒勑則敬非戒類不宜相配而言故知敬之言警鄭轉敬爲警而毛不爲傳則毛不變敬字當以敬爲恭敬戒爲戒懼不得與鄭同也

按古之行軍者臨事而懼好謀而成夏書曰恭行天罰周書曰肅將天威六月曰有嚴有翼此篇曰既敬既戒聚衆誓師安可以苟然而已哉正義申毛謂敬爲恭敬戒爲戒懼自足見古人鄭重行師之意箋以爲六師必須警勑而轉敬爲警無乃非



詩之本旨與且旣警卽旣戒之義語亦嫌複

不謂不處三事就緒傳誅其君弔其民爲之立三有事之臣箋云緒業也王又使軍將豫告淮浦徐土之人云不火處于是也女三農之事皆就其業爲其驚怖先以言安之正義釋傳曰三有事之臣與十月之交擇三有事文同彼傳云三有事者國之三卿卽此亦爲之立三卿也就緒者王肅云就其事業亦當謂民得就業正義釋箋曰以誅君吊民使之就業民之

就業略農事耳故知三事爲三農之事大宰九職一曰三農生九穀注云三農原隰及平地則三農謂此也十月之交云擇三有事是有事者三而擇立之兩無正文三事大夫文連大夫故得以爲公卿至于此者言民就農事不宜以爲三卿故易傳也

校擇三有事之文孔氏以爲不足據以解三事至兩無正之三事大夫其義顯然爲公卿矣乃謂彼文連大夫故得以爲公卿至于此者言民就農業

不宜以爲三卿竊謂三事就緒經未著爲三卿三農然三事之文兩見于他篇則訓爲三卿者不謬不知鄭氏何由斷爲民就農業也王肅述毛而云就其事業自當謂立三有事之臣使就其事業就緒之文蒙上三事于義自見何言王意亦當爲民得就業也爾雅釋詁云緒事也然則就緒卽就事無能舉此文而決爲農之就事非官之就事也三農生九穀非三事之確証經典並未有以三農之

業爲三事者舍常訓而取新說何爲乎

徐方釋騷傳釋陳騷動也箋云釋當作驛徐國馳傳  
遠之驛見之知王兵必克馳走以相恐動止義釋箋  
曰此說軍已動發言釋騷則騷由此驛故知釋當作  
傳驛之驛左傳稱兵交使在其間王將伐徐使候  
故云徐國傳遠之人見之知王兵必克歸以報其國  
驚走以相恐動

按釋陳騷動皆釋詁文徐方釋騷者言徐方之人

陳兵動衆卽此爲徐方震驚矣何必驛候之人驚  
走相告始爲震驚哉且經言繹驛卽當于繹驛求  
訓若可任意改爲改造則天下無不可解之經矣  
况人各一意改者紛乚使說經者皆如是將曷勝  
其擾耶

鋪敦淮潰箋云敦當作屯陳屯其兵于淮水大防之  
上以臨敵正義曰敦訓爲厚于義不協故破之爲屯  
毛無破字之理必以爲厚宜爲布陳敦厚之陣也

按此句平公無傳釋文云敦王申毛如字厚也韓  
詩云趙也鄭作屯正義謂毛無破字之理必以爲  
厚與釋文合又衛風王事敦我傳敦厚也韓詩亦  
云迫與此正同毛與韓訓雖各異而字皆作敦鄭  
氏橫改爲屯鋪屯淮濱誠易解矣其如經之不可  
改何

舍爾介狄維予胥忌傳狄遠忌怨也箋云介甲也王  
不念此而改修德乃舍爾被甲夷來侵患中國者反

與我相怨謂其疾怨羣臣叛違也正義釋傳曰毛讀  
狄爲逃故爲違也則介當訓爲大不得與箋同也忌  
者相憎怨之言故忌爲怨也王肅云舍爾大道遠恥  
反與我賢者怨乎正義釋箋曰以辭有予奪意爲彼  
此言維予胥忌是不當怨而怨則舍爾介狄者是當  
怨而舍之也且幽王荒淫惑亂將至滅亡兵在其頸  
尚不知悟安能復知大道遠慮又大道遠慮非幽王  
之所有何云舍女乎不應舍而舍則是已來犯王故

知被甲夷狄來侵患中國者

按正義釋傳則爲傳說釋箋則爲箋說亦其義例則然也如此類者適所以形鄭之短非所以爲說也予曰人無遠慮必有近憂惟幽王舍其大道遠慮所以兵在其頸而尚不知悟大道遠慮本爲王所應有舍之云者言其舉應有者而舍之非必舉已有者而舍之也維予胥忌即可見其舍爾介狄何所謂大道遠慮非幽王之所有乎若謂辭有予



奪意爲彼此維予胥忌是不當怨而怨則舍爾介  
狄者是當怨而舍此于毛說何獨不然舍爾大遠  
之謀維予羣臣之怨不當舍而舍不當怨而怨亦  
爲辭有予奪意爲彼此何明于鄭而關于毛也且  
以彼甲夷狄解介狄取說亦曲

如彼棲苴傳苴水中浮草也箋云如樹上之棲苴正  
義釋傳曰苴是草之枯槁逐水流者故云苴水中之  
浮草如是則棲爲浮義謂棲息于水上也正義釋箋

曰以棲者居在木上之名謂水上爲棲理亦不愜故以爲如樹上之棲苴也。是草木之枯槁者故在樹未落及已落爲水漂皆稱苴也。此經再云如者言民如旱草也。又如苴見其枯槁之極喻王無恩之甚也。

按楚詞苴比而不芳注草枯曰苴也。是草枯不兼木類言之且苴而言棲已屬假借水浮曰棲更爲新奇此與書之寅賓出日寅餞納日造語特巧已開後世法門若云在樹未落則是木葉之枯槁

者耳非所以云草不潰茂也若謂論棲之理必在于  
于樹則草之理不得言棲如是以言詩而詩之意  
微矣

胡不自替職兄斯引傳替廢兄茲引長也箋云女小  
人耳何不自廢退使賢者得進乃茲復主長此爲亂  
之事乎責之也正義釋傳曰爾雅之訓況爲賜也賜  
小人之物使之益多故以兄爲滋也又爲益引長釋  
詰文正義釋箋曰職況斯引職訓之爲主茲此引長

言主爲益此使亂之長故便而倒之云乃復益至長  
此爲亂之事

按桑柔君兄填兮傳兄滋也彼正義曰况訓賜也  
賜人之物則益滋多故况爲滋也釋文云兄音况  
注本亦作况亂况斯削毛無傳箋云而亂滋甚于  
此日見侵削則古文况與兄通而訓之爲滋况字  
自有滋益之義晉語衆况厚之注况益也孔氏謂  
賜人之物則益茲多故况爲滋此牽二義而強爲

合也又常棣篇況也永歎傳況茲也箋云來茲對  
之長歎而已釋文云況或作兄非也此謂嫌于誤

謂誤食兄之謂兄與此則訓況爲茲又一義也此

詩言職況斯引傳兄茲也引長也箋云乃茲復主  
此爲亂之事平責之也茲字訓經之兄主字訓經  
之職此字訓經之斯長字訓經之引與傳相合職  
兄斯引者言主于茲時而維斯亂之引長耳而正  
義釋傳以茲爲茲釋箋云茲此引長言主爲益此

使亂之長不知滋字之義出于箋之何文是又混  
職兄之兄與亂況之况爲一矣

不云白類傳類厓也箋云類當作濱釋文云類舊云  
毛如字鄭作濱音賁俱云厓也案張揖字詁云類今  
濱則類是古濱字正義曰以水厓之濱其字不應作  
類故破之也傳作類者蓋以古多假借或通用故也  
校說文類水厓人所賓附類蹙不前而止从頁从  
涉凡類之類皆從類臣鉉等曰今俗別作水濱非

是頻卽類之隸省漢人不習類字轉而爲濱非類  
之古文矣鄭謂頻當作濱是經傳不誤而改之使  
誤也正義指其爲假借或通用則孔氏亦未審其  
爲古文

學詩毛鄭異同籤卷二十

武 寧 學 生 張 汝 霖

駿奔走在廟傳駿長也箋云駿大也諸侯與衆士于  
周公祭文王俱奔走而來在廟中助祭正義釋傳曰  
駿長釋詁文言長者此奔走在廟非唯一時之事乃  
百世長然故言長也正義釋箋曰駿大釋詁文也以  
詩人所歌據其見事非是逆探後世亦宜以駿爲長  
此承諸侯多士之下總言奔走則文兼上事故云諸



侯與衆士于周公祭文王俱奔走而來在廟中助祭  
以其俱來故訓駮爲大大者多而疾來之意禮記大  
傳亦云駮奔走注駮疾也疾奔走言勸也其意與  
此相接成也

按書武成丁未祀于周廟邦甸侯衛駮奔走執豆  
邇駮奔走之文與禮記大傳及此詩同彼傳云駮  
大也與鄭箋同禮記注云駮疾也大者多而疾來  
之意要之皆據見事不宜以駮爲長必知據其見

事者以武成文推之故審其微非是逆探後世也  
毛說似不若鄭之妥

於穆不已傳孟仲子曰大哉天命之無極而美周之  
禮也正義曰文當如此孟子云齊王以孟子辭病使  
人問齊來孟仲子對趙岐云孟仲子孟子從昆弟學  
于孟子者也譜云孟仲子者子思弟子蓋與孟某共  
事子思後學于孟某著書論詩毛氏數以爲說又譜  
云子思論詩於穆不已仲子曰於穆不似此傳雖引

仲子之言而文無不似之義蓋取其說而不從其讀  
故王肅述毛亦爲不已與鄭同也

按此說已具卷八以似以續籤下意有所未悉茲  
復詳之古之似皆讀以江漢召公是似與上句小  
子下句爾祉叶小宛式穀似之與子字負字叶糖  
疋叶房以切負字古音房遇切賈誼旱雲賦運清濁  
之瀕洞兮正重沓而然起魚鰭以崔巍兮時彷彿  
而有似皆不作士音子思論於穆不已仲子曰於

穆不似其音正同觀毛公所刻仲子之說則子思  
言天道不息仲子言天命無極其義亦小異而大  
同何所謂師徒異讀而毛公取其說而不從其音  
者乎

曾孫爲之傳曾孫成王也箋云曾猶重也自孫之子  
而下事先祖皆稱曾孫是言曾孫欲使後王皆厚所  
之非今也正義釋傳曰傳以周公制禮成王行之  
乃是爲成王而作故以信南山經序準之以曾孫爲

成王也正義釋箋曰箋以告之時禮猶未成不宜偏指一人使之施用一代法常通之後王故知曾孫之王非獨成王也小雅曾孫惟斥成王文各有施不待同也

按序云太平告文王雖是周公制作仍宜歸之成王則曾孫宜爲成王一也上云我其收之下云曾孫篤之陳實蹟以告先人明是但據見事非其逆說後王則曾孫宜爲成王一也且曾孫之名若

自後世稱之以對先王則遺逸者可通施若自先  
世而逆望後人何必更稱曾孫詩之以曾孫稱成  
王者屢矣不必以此爲異也則曾孫宜爲成王者  
三也若云禮猶未成不宜偏指一人使之施用一  
代然則禮未成便可偏指一人使之施用一代  
乎

烈文辟公錫茲祉福惠我無疆子孫保之傳烈光也  
小王錫之箋云惠愛也光文百辟卿士及天下諸侯

者天錫之以此祉福也又長愛之無有期竟子孫傳  
世安而居之謂文王武王以純德受命定太位正義  
釋傳曰烈光釋詁文以辟公之下卽言賜福是賜之  
以福使得爲此辟公也傳以賜茲祉福爲文王賜諸  
侯則惠我無疆亦是文王愛諸侯子孫保之謂諸侯  
得繼世也正義釋箋曰以下云爾邦是諸侯爲爾則  
此經云我是成王自我非我諸侯也故易傳以爲天  
賜祉福謂賜文王武王以汪來下之福也愛之無有

期竟謂卜世三十卜年七百是長遠無期也

按錫茲祉福毛鄭之義不同惠我無疆毛公無傳  
正義謂七意亦指文王愛諸侯竊疑毛當以爲諸  
侯愛王室言文王錫諸侯以此祉福而諸侯愛我  
王室無有疆竟耳不然則下云爾邦謂諸侯爲爾  
此云我是成王自我非我諸侯顯然可見豈毛公  
讀書之識反出鄭孔下哉惜傳義古質無從證其  
是非又箋云光文百辟卿士及天下諸侯者天賜



之以此祉福也者也二句相申成義似屬文武而言非呼辟公而戒之也故箋末云謂文王武王以純德受命定天位純德卽指烈文辟公之事受命定天命卽指錫茲祉福以下之事正義釋經謂鄭以爲成王于祭之末呼之曰爾有光明文章者與羣公諸侯等上天賜我文王以此王天下之祉福則首句爲呼辟公而告之之詞與箋中語氣似不相合未知鄭意何如也

於糾熙單厥心肆其靖之傳釋明熙廣單厚肆固靖  
和也箋云廣當爲光固當爲故字之誤也於美乎此  
成王之德也旣光明矣又能厚其心矣爲之不解僭  
故于其功終能和安之謂風夜自勤至于天下太平  
正義曰箋以外傳之訓與爾雅皆同而釋詁云熙光  
也肆故也則是聲相涉而字因誤故破之

按周語引此篇乃云是道成王之德也成王能明  
文昭定武烈者天道成命者而稱昊天翼其上也

二后受之讓于德也成王不敢康敬百姓也夙夜  
恭也基始也命信也宥寬也密寧也緝明也熙廣  
也單厚也肆固也靖和也其始也翼上德讓而敬  
百姓其中也恭儉信寬歸于寧其終也廣厚其  
心固和之始于德讓中于信寬終于固和故曰成  
王是全釋此篇之義也熙之爲廣亦經之常訓書  
堯典庶績咸熙其熙廣也舜典有能奮庸熙帝之  
載傳起發其功廣堯之事左傳襄二十九年季札

觀樂爲之歌大雅曰廣哉膺熙乎則熙之爲廣不  
必議也釋詁釋訓釋言之文所載有幾必謂雅所  
未見卽爲于古無徵豈其然矣肆之爲固周語著  
之毛傳因之自是古義肆之訓固者實訓故者虛  
外傳言始于德讓中于信寬終于固和固是堅固  
之固非是故之故虛實之義不同必非音近之誤  
故雲案廣光二字古通用曾子行其所聞則廣大  
矣漢書董仲舒傳行其所聞則光明矣頌敬之學  
有相熙于光明傳光廣也雅訓熙爲光毛訓光爲  
廣互相釋知其例得通矣○廣韻固重詞也禮投

壺敢固以請注固之言如故也如故詞者言重詞也然則固與故義亦得通矣

儀式刑文王之典日靖四方傳儀善刑法典常靖謀也箋云靖治也我儀則式象法行文王之常道以口施政于天下正義釋傳曰儀善至靖謀皆釋詁文也刑既爲法則式不復爲法當訓爲用王肅云善用法文王之常道日謀四方正義釋箋曰靖治釋詁文儀者威儀式者法式故以儀式爲則象謂則象法行文王之常道也以此能治四方可以蒙佑不宜爲謀之

故以靖爲治謂施于天下也

按儀式刑三字俱訓爲做法之義不宜若是之複  
傳訓儀爲善非于經旨有乖鄭爲好與毛異矣若  
靖字毛訓爲謀鄭訓爲治治之亦必謀之又小異  
而大同也謀是經紀庶務之謀非機械變詐之謀  
正義謂以此能治四方不宜爲謀之不知何說  
駿發爾私終三十里亦服爾耕十千維耦傳私民田  
也言上欲富其民而諫于下欲民之大發其私田耳

終三十里言各極其望也箋云駿疾也發伐也亦大服事也使民疾耕發其私田竟三十里者一部一吏主之于是民大事耕其私田萬耦同時舉也周禮曰凡治野田夫閒有遂遂上有徑十夫有溝溝上有畛百夫有洫洫上有涂千夫有澮澮上有道萬夫有川川上有路計此萬夫之地方三十里少半里也耦廣五寸三耜爲耦一川之閒萬夫故有萬耦耕言三十里者舉其成數正義釋傳曰訓駿爲大故云大發其

私田也又解正言三十里意終三十里者各極其望  
謂人目之望所見極于三十每各極望則徧及天下  
矣三十以極望爲言則十千維耦者以萬爲盈數故  
舉之以言非謂三十里內有十千人也王肅云三十  
里天地會于三十里外不復見之是爲極望也正義  
釋箋曰釋詁云速疾也駿速也轉以相訓是駿爲疾  
也終訓竟也正使之竟三十里者王者之立田官每  
三十里分爲一部令一主田之吏主之主田之吏謂



農夫是也農夫自勑終已境界故指言三十里也知  
此三十里爲部使一吏主之者以王者率農夫使教  
民種穀農夫卽號令其人令發私田終三十里明  
三十里者此農夫所部之界故知每三十里分爲一  
部使一吏主之又計此萬夫之地一夫百畝方百步  
積萬夫方之是廣長各百夫以百自乘是萬也既廣  
長皆百夫夫有百步三夫爲一里則百夫爲三十三  
里是三十三里又少半里也耜廣五寸二耜爲耨冬

官厓人文也此一川之閒有萬夫故爲萬人對耦而耕此萬人受田計之乃三十三里少半里正言三十里者舉其成數也以三十里與十千舉其成數正足相死故鄭首尾爲一以易傳也

按此十千之耦以吏主之恰滿一部之數以里計之亦得三十有奇萬邦同耕邇事任力周官古法于此可知手傳云終三十里者言各極其望其甚質而不詳王肅述之云三十里天地合所之而三

十則天下徧正義申之云言人目所望三十里而  
天地合于三十里外不復見之是爲極望此直爲  
說虛而無徵人目所望遠空濶固不止終三十  
里卽謂所望終于三十里而左視而已得三十右  
盼而又得三十瞻前而已得三十顧後而又得三  
十各極其望大約百里而遙又豈得爲終三十里  
也且目力所及未必皆屬爾私經言駮發爾私終  
三十里者抑又何也竊以爲農夫之望不越阡陌

同井之民共相顧望今此十千之耦同是一部之民蒲簪滿車心所瞻望者不出此三十里外故曰駿疾爾私言民所自私也又曰十千維耦言民相爲耦也所耦在是所望亦卽在是矣王肅所述恐未當于毛旨

又按清廟駿奔走箋云駿大也彼正義曰俱奔走而來在廟中助祭以其俱來故訓駿爲大大者多而疾來之意禮記大傳亦云駿奔走注駿疾也其

意與此相接成也是其爲鄭說固舉大與疾二者之義而合而一之矣此詩駿字毛訓爲大鄭訓爲疾然則所謂大者亦得爲多暇疾來之意正義謂鄭之駿字別忽合忽離毛鄭有知亦無如後人何耳

應田縣鼓傳田大鼓也箋云田當作𦵏𦵏小鼓在大鼓旁應輶之屬也聲轉字誤變而爲田正義曰以經傳皆無田鼓之名而田與應連文皆在縣鼓之上應

者應大鼓則田亦應之類大師職云下管播樂器令  
奏鼓棘注云爲大鼓先引是古有名棘引導鼓故知  
田當爲棘是應韓之屬也又解誤田意棘字以東爲  
聲七既轉去東惟有申在申字又誤去其上下故變  
作田也

按毛公學最賅博此詩之傳典器名物一一具詳  
樂府之遺賴以散見田爲大鼓毛公必信而有徵  
故得著之于編以示後世豈敢胸臆臆斷造語以

或將來者哉正義謂毛意以應既是小田宜爲大  
是田爲大鼓固從應之小鼓勘而得之而毛說直  
出于無徵且何以應既是小田卽宜爲大也竊謂  
毛公必有實據不若是之推測而知也正義又謂  
經傳皆無田鼓之名而田與應連文周禮有鞀字  
故知田當爲鞀孔氏豈能盡數周時之樂器而責  
古無田鼓耶毛詩之經有田鼓卽是經傳有之何  
所云而言皆無其名耶鄭謂鞀轉字誤變而爲田

正義云以煉字以東爲聲匕既轉去東唯有申在  
申字又誤去其上下故改作田鄭之改經有與本  
文絕不相類者如維禹敷之泂泂之卽君子攸撫  
之等皆顯然立異不待字之轉變也使經而轉變  
若此則不可依據甚矣又安知周禮之煉字非因  
田字誤加其上下而爲申申字又誤加以東旁而  
爲煉耶煉與田絕不相蒙而牽強若此使田字又  
誤其二三畫而經幾于無文矣豈不謬哉



有客有客亦白其馬傳殷尚白也亦上周也箋云有客有客重言之者異之也亦上武庚也武庚爲二王後乘殷之馬乃叛而誅不肖之甚也今微子代之亦乘殷之馬獨賢而見尊異故言亦駁而美之正義釋傳曰解言亦白其馬意以殷尚白故也檀弓曰殷人戎事乘翰翰白色馬雖戎事乘之亦以所尚故白言亦白其馬則是一代所客宜以代相亦故云亦上周也正義釋箋曰以亦爲武庚者此自周人而言有客

爲彼此之勢則是據周爲辭不宜反以亦已故爲亦  
武庚也

按有客爲對周而稱辭有彼此意兼二代亦爲亦  
周子義誠允故下言既有淫威箋云謂用殷正朔  
行其禮樂如天子也稱美微子何必漫及武庚且  
卽指言武庚而白馬仍非周制知傳義爲長于箋  
矣

嗣武受之勝殷遏劉耆定爾功傳武勝劉殺耆致也

箋云遏止耆老也嗣子武王受文王之業舉兵伐殷而勝之以止天下之暴虐而殺人耆年老乃定女之此功言不汲于誅紂須暇五年正義釋傳曰左傳引此文耆定爾功耆昧也其意言致討于昧故以耆爲致王肅云致定其大功謂誅紂定天下正義釋箋曰旣言文王開後卽云嗣武受之其文相承故以爲嗣子武王受文王之業也易傳者以其美武王能老乃定功不汲于誅紂以爲不得已而取天下是美

之深故易之

按武王繼文王之業一戎衣而有天下此篇之言  
正頌其事章首言於皇武王者明頌爲武而作也  
次言文王克開者明嗣迹之有由也首已言武王  
則嗣武之武不必復明武王故訓如履武之武然  
手意雖訓繼迹亦指武王鄭意雖指武亦是繼迹  
則又同而異異而同者也若耆定之耆亦似傳義  
爲長此章主美無競之烈勝殷之功意不在于年

老乃定韓詩左傳之說雖與毛義差別亦不以耆  
爲老